


鼓山志卷十三



郡守李拔鑿定



郡人黃任脩輯

張伯謨叅訂

藝文七

五言絕句
七言絕句

六言絕句
詩餘
聯

雲屏

明陳省

寶刹金爲地沙門雲作屏山僧鳴磬待幻夢一時醒

重游鼓山

趙世顯

劣崩天際峰倚筇望遠海茫茫三島間浮邱倘相待

鼓山志

卷十三

喝水巖

謝肇淛

去來本無踪喧寂復何有月落空磻中禪心君知否

吼雷湫

青天亘長虹白日風雷吼山僧寂不聞餘寒散窻牖

白雲洞

白雲不生滅古洞無開閉僧卧雲亦還松風吹巖際

海音洞

法海本無音空洞自窅窾誰爲大知識鑿此渾沌竅

三天門

鳥道躡石罅危梯不可步下有面壁僧上有通霄路

大頂峰

陳學麟

絕巘發高歌天空見海多不知登泰岱俯視更如何

浴鳳池

鳳至知何日名傳浴鳳池山頭雲五色莫是再來儀

靈源洞

詩刻石

郭汝霖

永豐人吏科給事中

禪跡久磨滅靈源獨瑩然玉虬時下飲珠灑海雲邊

子房溪小憩

曹學佺

溪聲瀉瀉鳴聽之自忘倦中有小洲橫清流屢迴轉

鼓山志

卷三

二

東際亭晚眺

國朝

黃若庸

日暮山餘紫虛亭瞰危石秋水一江天千里平空碧

自浴鳳池遊白雲泉三首

徐葆光

探花主考

雨色閉空山隔嶺聞清磬俯瞰白雲泉倒落蓮花影

其二

披徑陟崇岡招提指上方危崖半邊屋古佛一龕香

其三

山高別有天石罅疑無路脚下亂雲浮一杖凌虛度

贈茶園老衲

結屋石廬下盡日風吹雨巖上無心雲偶然自飄舉

劣崩峰

楊鳳騰進士

孤峰倚天半振策恣奇觀放眼滄波外三石古樹寒

喝水巖

曲澗潺湲處何年流向東禪心同止水喧寂一聲中

白雲洞

窈窕無人洞浮雲自去來何如携滿室瀰漫看函開

雲屏

積翠屏如畫寧須繪素紋芒鞋歸嶺外猶帶半山雲

鼓山志

卷三

三

靈源洞遇雨三首

釋興隆

本山住持

峭壁苔為衣青山雲作帽趺坐忘歸石不知風雨到

其二

芙蓉插漢高幽洞自天造桃花落片片狼藉無人掃

其三

蹴鼈橋下流噴薄如雷吼當年曾轉頭今亦隨波走

六言絕句

鼓山

馬

森

懷安人戶部尚書

懸流珠瀉絕壁大石翠擁松關長嘯白雲四起恍疑

身隔人間

秋中再至白雲

楊觀

有客時來採藥孤僧獨自閉關鳥道白雲來往木葉紛紛滿山

仰止亭

李拔

隄為人知福州府

玉霄有路重重今古幾人景從不到上頭不住山前遙見雲封

靈源洞

石磴紆迴六六雲程曲折三三中分靈源一道便是

鼓山志

卷三

四

萊北臺南

喝水巖

身似菩提無樹心為明鏡非臺一聲叱去靈偈東澗西流不來

水雲亭

心靜世途不競鑑空物理長分看來化機妙契只在明水淨雲

劣崩峰

釋元賢

杖底羣峰盡伏方知身入層霄笑看閩越舊國興替

渾同海潮

鳳池

靈境迥開天際池空鳳去何年青蒲白鳥如故黃獨
新種雲邊

靈源洞

橋上山雲乍散洞前海月初圓白猿夜過西澗一嘯
喝水巖邊

舍利窟

小徑斜通別嶺深源忽見孤邨雲中雞犬出沒古樹

鼓山志

卷三

五

半掩荆門

喝水巖

何奕霑

洞口白雲伴客松間孤月窺人靈源再入深處山水
迥然別春

劣崩峰

何奕霄

捫蘿陟彼峰頂白日青天廓寥風送蓬萊海舶恍疑
仙侶相招

七言絕句

宿鼓山寺

慶歷丙戌秋

宋邵去華

玉磬聲流夜闌寥天風吹送海門濤鶴來松頂雲歸
後人倚闌干月正高刻靈源洞

遊鼓山

慶元三年

趙晉臣

汴人

登山心悅倍精神欲住山間未有因剛道忘歸又歸
去白雲何不且留人

題喝水巖

淳祐巳酉年

徐錫之

重巒複嶺鎖松關只欠泉聲入坐間我若當年侍師
側不教喝水過他山

喝水巖

天行生

鼓山志

卷三

六

靈源古洞稱奇絕正是奔流過別峰若使當年師不
喝祇今但作薜蘿松

題喝水巖

趙希代

古汴人

尊者何年向此禪一聲喝斷水之源如何有許神通
力猶計當年寂與喧

遊鼓山

元陳

謹知州

南國名峰此最雄白雲飛處有仙踪繡衣逐伴凌高
頂萬里江山一望中

登芳巖峰

帖木兒

肩輿直上白雲梯古刹林深路欲迷絕頂一聲長嘯
罷海天空濶萬山低

劣嶺峰

明鄧定

中天削出玉芙蓉迥壓全閩氣勢雄半夜峰頭看日
出扶桑近在海門東

靈源洞

蒼苔絕壁去天低古洞烟霞遠近迷是處好山堪載
酒扁舟莫訝武陵溪

湧泉寺

鼓山志

卷三

七

雲根晴漱雪花寒百尺清流遶石欄午夜月明天籟
寂抱琴來聽玉潺湲

仙人跡

飛鳥曾遊海上山尙留遺跡在人間當時悞采長生
藥一入壺中去不還

天風海濤

絕頂高風日怒號際天遙起白銀濤扁舟擬欲窮溟
海直掛雲帆百丈高

鼓山偶成

樓閣層層隱翠微石門松逕白雲飛山中六月渾無暑八十老僧猶袷衣

白雲樓寄大愚弟

何處山林可避氛石林空翠曉氤氳三年不到新樓上憶弟時時看白雲

如公惠茶

遠公別後眼長青曾寄先春到野亭却憶白雲樓上宿一杯香露酒初醒

遊雙澗庵

高廷禮

鼓山志

卷三

八

愛山不奈又登山衲帽閒僧且自閒萬怪儒衣數相見了心空在刹那間

遊鼓山

王恭

駙馬都尉福建鎮守

信步行行上碧峰天涯一望水流東桑田幾度成滄海惟有青山似畫中

鼓山雜咏

有引

林

誌

閩縣人翰林侍讀

劣崩之勝槩為閩最而靈源洞况其尤也余因暇與同志友程希石陳公器陳克寧楊聖之張叔履六人為方外遊余觀江山之如舊慨死者之不作

因著遺跡以攄其懷後之視今猶今之視昔也時
洪武戊寅中秋前六日

靈源洞

邃谷紆迴白日陰仙人曾此秘鯨音別來往事淒涼
久老樹啼鴉草莽深

仙人跡

龍虎成丹妙入神昇沉輪幻自無垠祇今元鶴歸來
晚寒月空餘石上塵

風泉雲壑

鼓山志

卷三

九

天風吹落萬潭聲幾度愁人夢裏驚何日洗除塵世
耳一瓢巖畔卧雲橫

天風海濤

倚天臺檻暮雲端咫尺滄溟牖外看流水不隨殘日
落天風常度夢中寒

喝水巖

張天顯

喝斷泉聲百劫空寒烟荒草寄遺蹤我來却愛風光
好笑破巖雲千萬重

鼓山廢寺

何御

青山廻合白雲平野利經過蔓草生行踏松陰卧明月空林時有白猿聲

黃石公祠

陳省

香爐飛至遂開祠祠圯于今半蕪藜萬事廢興都似此穀城廟異子房時

一天門

路愈崎嶇興愈增獨先行客斲雲登生成石洞容人度傳是天門第一層

龍脊道

鼓山志

卷三

十

左依石壁右深崖百級廻旋石累階峻峭卸車行不于雲霞千片護芒鞋

二天門

塵壒從來不到山况看山復隔重關雖然未盡登臨路身世悠悠盡覺閑

三天門

石依峭壁罅爲門小逕逶迤霧氣屯穿出分明殊眼界從茲直步入祇園

懷劣崩峰

趙世顯

劣崩孤峰高倚天蒼松碧澗寺門連自從掃石題詩
後不覺蹉跎十五年

湧泉寺懷融上人

徐燧

憶昔團焦住化城蕭蕭風雨佛燈明于今重借雲房
宿無復當年禪誦聲

自鼓山歷鳳池尋白雲洞不得誤抵山麓而歸
口占寄趙用拙居士時用拙先在洞中

岩堯徑路杳難分猿鳥哀呼日半曛莫謂洞門今咫尺不知猶隔幾重雲

鼓山志

卷三

士

桃花流水自潺湲曉起尋君日暮還不是漁郎迷去
路斷無踪跡在人間

鼓山雜咏六首

陳鳴鶴

林端鳥背路崎嶇古蹟千年半有無略待肘邊雲散
盡自研松露畫山圖

喝水禪師久未回白猿長守誦經臺石門不閉孤峰
月僧遣沙彌送偈來

池上雙雙白鳳凰國師騎去謁空王于今寂寞千峰
裏誦盡華嚴石榻涼

城裏曾看石室燈尋山偶入白雲層天門度盡聞寒磬黃葉林中出定僧

眠狗岡前馬鬣封夜深猶聽梵王鐘從來勝地無常住試問豐碑琢幾重

黃石祠前碧草春飛來香火半生塵素書未付羸秦火圯上應無進履人

白雲洞贈許元真將軍四首

時將軍結菴洞下

屠

隆

鄞縣人禮部主事

白雲洞裡暫棲真原是提戈報主身為問將軍出山

鼓山志

卷三

三

後白雲流水屬何人

蕙帳累邀元鶴下明燈閒與白猿譚秋風鈴閣軍書暇還憶琉璃火一龕

夜深月露下庭柯百尺蒼鱗手自摩直上峰頭眺銀漢不知衣袂蘸星河

高隱雄心總未除芸窗寧自老蟲魚山頭夜夜風雲起元女携來是素書

江上望鼓山

陳邦注

閩縣人

江上回看芳嶺峰不知何處是行蹤霜天風急月如

練隱隱遙聞山寺鐘

鼓山湧泉寺

陳价夫 閩縣人

鳥道斜依劣巖峰林烟隔斷往來蹤
分明認得前朝寺流水數灣山幾重

過茶園

陳仲溱

峰勢臨江嶺路斜危簷掛壁幾人家
嵐深霧遠不相見僧過松林喚采茶

靈源洞寄下寺僧

陳宏巳

挾一奚囊手一琴秋風日日出松林
老僧有句來相

鼓山志

卷三

三

報只到靈源洞裡尋

靈源雨茗

徐 勳

寒食才過穀雨前鼓山風送焙茶烟
旗槍乍試甘泉脉竹火磁瓶手自煎

宿靈源洞

洞裡禪燈一點明繩床閑卧夢魂清
中宵何處驚殘夢晨磬曉猿春水聲

宿老禪庵同惟和兄瀚上人

借得雲房一夕眠舊遊翻憶十年前
夜深天際風濤

起仍送鐘聲來枕邊

靈源洞懷融上人

昔日同叅最上乘重來空對佛前燈不嫌瓶鉢移他處却恨名山住別僧

出劣崩峰過鳳池尋趙用拙不值

踏將萬壑與千岑却怪遊踪不可尋莫謂山多易迷路白雲封却洞門深

鳥道崎嶇不易攀行行只在萬峰間山深難得樵人問果在山中若箇山

鼓山志

卷三

十四

登鳳池

歷盡高崗萬嶺低忽驚揮手拂虹霓日斜古道入蹤滅愁殺鷓鴣雲外啼

題喝水巖月公房二首

地僻林深人跡稀繩床借臥覆僧衣忽聞剝啄驚殘夢知是頭陀乞米歸

隱隱疎鐘出洞聞洞前蘿薜自成文山僧年老無他事但向青山禮白雲

採茶曲六首

謝肇淛

半山別路出茶園鷄犬桑麻自一村石屋竹樓三百口行人錯認武陵源

布穀春山處處聞雷聲二月過春分閩南氣候由來早采盡靈源一片雲

郎采新茶去未廻妻兒相伴戶長開深林夜半無驚怕曾請禪師伏虎來

緊炒寬烘次第殊葉粗如桂嫩如珠癡兒不識人生事環遶薰牀弄雉雛

雨前初出半巖香十萬人家未敢嘗一自尚方停進鼓山志

卷三

五

貢年年先納縣官堂

兩角斜封翠欲浮蘭風吹動綠雲鈎乳泉未瀉香先到不數松蘿與虎邱

重遊靈源洞

釋如瀚
潮陽人

十載靈源兩度來猶憐屐齒識蒼苔當年老衲歸何處惟有巖頭花自開

遊鼓山經絕頂過白雲洞失路期趙用拙不值崔嵬歷盡萬峰低古洞雲深路欲迷不見桃花隨水去空聞猿嘯夕陽西

四月二十二日與朱石君觀察勸農畢偕登鼓

山紀遊十首

新建

曹繩柱

介巖福建臬使

拂拂清風引畫旂嘉禾彌望碧成圍勞農預識豐年

樂乘興還應上翠微

勸農

踏石穿雲陟鼓山澹煙輕雨護禪關老松只愛濤聲

靜遠岫從教黛色閒

登鼓山寺

卓錫斯須便湧泉阿羅指點證金仙天功亦擬資人

力為問痴龍何處眠

羅漢泉

方塘半畝湛清漪魚躍悠然巨壑期不置釣竿惟置

鼓山志

卷十三

二十六

餌我知魚樂共熙熙

放生池

石壁嶙峋夾岫開斷泓千尺沁莓苔當年一喝渾成

趣省却潺湲聒耳來

喝水巖

泉源是處溯靈湫石罅涓涓自在流潤我良田千百

頃慈雲願力眼前收

靈源洞

仄徑欹厓著一亭溶溶新水浸輕雲欲尋劣削峰前

路石磴盤松濕不分

水雲亭

遙看絕巘最高頭雨歇雲封阻勝游聞道晴空澄碧

海青螺兩點辨琉球

望劣削峰

勝侶清華喜共陪
凌雲健筆賦蓬萊
蒼厓待勒風濤
字東壁先瞻霽景開

歸途雨霽

行行暝色隱煙鬟
鼓角嚴城夜叩關
猶向鑑亭勞問

字臨池剪燭話青山

暮歸水部門同椒園講堂劇談勝遊而散

石君過

鼓山之遊先是璞齋石君兩觀察約勸農後偕

往先一日雨予恐不果行屆期璞齋以疾辭

白雲仙麓踞東郊
幾欲登臨興未豪
願得晴和偕勝友
萬峰高處看飛濤

梅雨廉纖滴夜闌
扶犁天氣麥秋寒
明朝擬赴山靈

鼓山志

卷十三

再六

約却恐塗泥跋涉難

凌晨稅駕重徘徊
積雨初停宿霧開
却望雲峰時縹

緲遠山空翠撲人來

石盤翠律緣谿澗
松徑紆回隱薜蘿
更憶彬彬徐北海
焚香小閣坐維摩

次介巖前輩遊鼓山詩韻十首

沈廷芳

出郊酥雨濕旌旗
山勢如屏匝匝圍
田畯猶煩勸農使
晨光漸聽晚鐘微

勸農

識疑是當年面壁僧

白雲道中晚望

楊觀

野店村煙送夕暉西風打葉隔林飛柴門半掩黃昏
靜山寺鐘聲下翠微

白雲道中

黃若庸

極目寒煙鳥道長微茫江樹水雲鄉竹風吹老行人
鬢一半秋山賣夕陽

過鳳池

萬嶺紆迴忽有村竹中佛火自朝昏我來正值春山

鼓山志

卷三

六

冷僧卧深雲不閉門

達磨洞

陳星羲

片石高懸一洞天冷風明月自悠然巖頭幾樹藤花
雨時逐寒泉起暮烟

鳳尾亭

靈源幽處轉高岡眼曠天寬一望蒼江樹遙連山色
淡秋風時送薜蘿香

白雲洞

金潮

吹笙石上至今聞三月桃花照眼醺客到山中誰是

伴偶然攜得半囊雲

雨後坐喝水巖

雷殷澄潭百尺臺萬峰飛捲海濤來遊人却愛山中
雨水到巖頭喝不回

鼓山紀遊

吳九叙

草笠芒鞋喜看山山容葱郁迴迴環衝炎迢遞沿村
去小立橋東水一灣

孤興都忘足力疲歛然山勢疊屢屨門前第一閩山
字不羨唐崖與漢碑

鼓山志

卷三

九

嶽岑磴道夾松篁好鳥幽吭宛轉將雖是蹒跚煩脚
步倦來枕石卽羲皇

更衣亭館鬱嵯峩海韻天風領畧多帝座可通身世
小空山清籟激狂歌

塔影嵐光曲折通巉巖路轉接琳宮好山面目真如
許白水蒼烟一眺中

國師巖轉步崎嶇縹緲虛堂衆象殊驚瀑忽飛天際
雨千尋素練遶方壺

白雲洞

釋廣印

松頭日落洞天昏，月色梅花半掩門。
獨立石橋涼露下，漁燈明滅照江村。

鼓山雜咏

陳夢得

虹作長橋雲作梯，通霄有路去天低。
松陰十里扶筇上，人在秋巖瀑布西。

劣嶺峰高接碧空，海濤日日送天風。
摩崖愛咏餘千句，榜墨千秋紀晦翁。

澄心亭晚坐

盧遂 侯庠

新亭幽曠轉從容，倚檻觀魚靜晚春。
潑刺一聲行客

鼓山志

卷三

三

少松風潭月數聲鐘

詩餘

登鼓山

水龍吟

嚴

仁

字次山邵武人

飈車直上蓬萊不須更跨琴高鯉，
割然長嘯天風洪。洞雲濤無際，
我欲乘槎從此浮海約。任公起辦虹竿，
千丈轄鈎五十親點對連鰲餌。
誰榜佳名空翠紫，陽仙去騎箕尾。
銀鈎鐵畫龍蟠鳳翥，留人間世更憶東山一曲沾衣淚。
到于今幸有高堂遺愛，甘棠遺意。

茶園卽景二首

浪淘沙

明 陳仲溱

絕壁翠苔封劣崩危峰半山雲氣織芙蓉怪鳥啼春
聲不斷躑躅花紅 茅屋挂巖從十里青松茶園深
處挂孤筇知得清明今欲到茗綠東風

鳥道界岩巖日暖烟消鷓鴣啼過蹙蹙橋望到海門
山斷處練束春潮 收拾舊茶寮篋篋輕挑旗槍新
采白雲苗竹火焙來聊一軟仙路非遙

石帆留月

桃源憶故人調

楊 觀

想得月來來又去不管把人耽誤山若再高幾步也

鼓山志

卷三

三

應攔得住 花陰漸上青梅樹草際蟲聲如訴借問
就中何語道明宵如故

游鼓山題靈源洞壁

南鄉子調

朱彝尊

秀水人翰林檢討

披露曉同游竹杖籃輿各自由翠磴紅亭三十里淹
留行到松門路轉幽 僧飯雨初收風末鐘聲樹杪
樓多事山僧會喝水橋頭只少飛泉一道流

鼓山放生池觀魚

李 拔

福州守四川隸為人

鼓山上寺前有方塘大約二畝其水澄澈廣而且
深養放生魚無慮千萬大者數尺小者數寸充物

池中觀者投以香餌爭食跳躍馴擾可樂良由網罟不施獺祭無害故得遂其長養生息流繁也治道民情可以類推揚摧三章隱括斯旨俾登山者覽焉

水深廣兮魚所飼長竿拗折筇箬棄大魚跳躍小魚戲濠梁之樂人忘魚人不羨魚魚不餌

水深廣兮魚所舒依蒲依藻何徐徐悠然出沒得自如魚樂安靜畏其擾君子養民如養魚

水深廣兮魚所活有害魚者求其脫不然鱗鬣遭屠鼓山志 卷三 三

割救民之生在除暴救魚之死在防獺

聯

彌勒殿

王廷珍

日日攜空布袋少米無錢却剩得大肚寬腸不知衆檀樾信心時用何物供養

年年坐冷山門接張待李總見地歡天喜地請問這頭陀得意處有甚麼來由

白雲堂

黃元溥 漢陽人

雲過晴空去來原無罣礙

月印碧潭色相不在送迎

方丈

徐葆光

長洲人

一天松月流空界

隔嶺鐘魚應海潮

法堂

郝玉麟

襄平人
總督

於一毫端現寶王刹

坐微塵裡轉大法輪

靈源洞

李拔

隄為人知
福州府

地出靈泉潤海表

天生石鼓鎮閩中

水雲亭

李拔

鼓山志

卷三

三

望古聖以遐思業廣功崇何自從君項背

登高山而結想天空海濶皆來盪我心胸

三門

祖寅亮

空外天風鳴石鼓

定中江月照松門

法堂

釋元賢

石門壁立青霄飛鳶莫度

相逢須向言前鑒

毒鼓雷轟白日大地全醒

已到方知格外機

方丈

長披破衲傲谿山笑看雲舒雲捲

二時粥飯金剛屑易食難消

魚板吼時打點鉢盂向天誰識飯是米做
象龍集處咀嚼菜根有味方知舌在口中

論曰是山著跡後篇章滋多自僧善緣輯靈源集
其後僧古鑑繼之而陳季慈山銘徐德夫請雨記
鑄在巖石皆遺弗載經徐謝剔蘚乃出然以謝氏
編錄幾集大成尚云唐末徐寅靈源洞記及十二
咏已軼不傳則近世名篇未經流布者尚多也茲
編採撫期於詳備然夜光之璧無因至前亦惟滋
企想已風流未墜述作滋多有歷劫不泯者將復
珥筆而書其後矣

鼓山志

卷三

三

鼓山志卷十三終